

PROVÍNTZIA DE SU SUD SARDIGNA

Lei Regionali 04.02.2016, n.2 “Riórdinu de su sistema de is autonomias localis de sa Sardigna”



AVISU PÚBRICU INDIRITZAU A TOTUS IS ASSÓTZIUS CULTURALIS CHENTZA GUADÀNGIU E ASSÓTZIUS ISPORTIVUS NON PROFESSIONÍSTICUS PO S'INSERTA IN SU PROGRAMMA DE PRUMOTZIONI VISÍBBILI DE SA LÍNGUA SARDA PO ACONTÉSSIUS CULTURALIS, DE SPETÀCULU O ISPORTIVUS DE FAI IN SU TERRITÓRIU DE SA PROVÍNTZIA DE SU SUD SARDIGNA- L. 482/99 E L.R. 6/2012 ART. 2 COMMA 13 - AMPARU E AVALORAMENTU DE SA LÍNGUA SARDA- ANNUALIDADI 2018

Sa Províntzia de su Sud Sardigna in esecutzioni de sa determinatzioni n.17 de su 24 de Friaxu 2020, cumbidat totus is assótzius interessaus a presentai sa manifestatzioni de interessamentu cosa insoru po pregontai s'inserta in su programma de prumotzioni visíbbili de sa língua sarda chi previdit sa cumpridura in sardu o sardu - italianu de “depliant”, locandinas, opúsculu, striscionis, o àteru, chi pubritzizint acontéssius culturalis, de spetàculu e isportivus de fai in su territóriu provintziali.

Sa tarea de su progetu est sa de prumovi su bilinguismu sardu - italianu e s'umperu de su sardu cun sa matessi dinnidadi de s'italianu po sa prumotzioni de is atividadis de recreu, culturalis e lúdicas - isportivas.

A CHI EST INDIRITZAU?

Is sugetus interessaus funt: Assótzius culturalis chentza guadàngiu, assótzius isportivus non professionísticus e àterus sugetus costituitus “ad hoc” o po sa cumpridura de acontéssius determinaus de fai in su territóriu de sa Províntzia de su Sud Sardigna.

Totus is acontéssius de fai depint portai su lògu de sa Províntzia e is riferimentus a is lei chi pertocant s'amparu de sa minoria linguística de innui ndi benit su cuntribbutu.

APRETZIAMENTU DE IS ISTÀNTZIAS

Is istàntzias lómpias ddas apretziant is ufitzius de sa Províntzia in basi a sa coeréntzia cun su chi previdit sa L. 482/99, sa L.R. 3 de Argiolas 2018, n. 22 e sa L.R. 6/2012 art. 2 comma 13, e cun su progetu finantziau de sa Regioni po s'annualidadadi 2018.

Si tenit contu de s'órdini de arribbu a su protocollu po s'apretziamentu e s'ammissioni de is istàntzias, chi funt satisfadas fintzas a s'acabbu de su dinai.

Si donat prioridadi a is istàntzias chi pertocant is iniziative de fai in is comunus alleaus in su 2018 de su progetu de sa Províntzia: Carbònia, Scalepranu, Stersili, Giauni, Gèsturi, Gùspini, Goni, Igrèsias, Ísili, Pabillonis, Seddori, Serrenti, Teulada, Turri, Ussaramanna, Biddacidru, Mara Arbarei e Biddanoa de Forru.

TÉRMINIS E MANERAS PO SA PRESENTADA DE IS ISTÀNTZIAS

Is istàntzias, in papperi simpli cunformas a su modellu acapiu, tocat a ddas presentai aintru de su **16 de Martzu 2020** a sa Províntzia de su Sud Sardigna - Àrea Cultura - Ufítziu de Língua Sarda - Dot.ra Alessia Etzi 0709356356- 3385340472- protocollo@provincia.sudsardegna.gov.it.

DINAI

Su dinai po sa cumpridura de s'interventu fait parti de su finantziamentu regionali de su progetu "*Sighidura de sa sperimentazioni linguística de sa Províntzia de su Sud Sardigna*", de sa L.R. 6/2012, art. 2, comma 13 - Fundus integrativus regionalis L. 482/99 artt. 9 e 15 de "Amparu de is Minorias linguísticas stóricas" annualidadi 2018.

INFORMATIVA ASUBA DE SA RISERVADESA

Cunformas a is artt. 13 e 14 de su Regolamentu Europeu n. 679/2016 si donant is informatzionis chi sighint relativas a su manixu de is datus personalis.

Titolari de su manixu: Províntzia de su Sud Sardigna- Bia Mazzini n. 39 Carbònia - C.F. 90038150927- PEC: protocollo@cert.provincia.sudsardegna.gov.it

Responsàbbili de s'amparu de is datus personalis: su Responsàbbili de s'amparu de is datus est sa sotziedadi Halley SRL, cun sea in bia Ticino, 5 Assèmini (CA) C.F./P.IVA 03170580926 E-mail dpo@provincia.sudsardegna.gov.it;

Tarea e basi giurídica de su manixu: su manixu de is datus personalis punnat a sa cumpridura, de parti de sa Províntzia, de funtzionis istitutzionalis chi pertocant sa gestioni de sa protzedura in ogetu. Su manixu de is datus est fatu po su rilàsciu de provedimentus acapius e/o cunseguentis e, duncas, cunformas a s'art. 6 comma 1 lít. e) de su Regolamentu europeu, no abbisóngiat de su cunsensu cosa sua. Is operatzionis fatas asuba de is datus funt de cuntrollu e de registratzioni;

Destinatàrius de is datus personalis: is datus personalis podint éssiri comunicaus a ufítzios internus e a Entis Públicus autorizaus a su manixu po is matessis tareas asuba decraradas;

Trasferimentu de is datus personalis a Paisus extra UE: is datus personalis cosa sua non benint traferius ne in Stadius membrus de s'Unioni Europea ne in Paisus tertzus chi non apartenit a s'Unioni Europea;

Períodu de allogadura: is datus funt allogaus unu períodu de tempus non superiori a su netzessàriu po su persighimentu de is tareas asuba arremonadas;

Deretus de s'interessau: s'interessau tenit deretu de pregontai a su Titulari de su manixu de is datus personalis de atzedi a is datus personalis e sa retífica o sa cantzellatzioni de cussus etotu o sa limitazioni de su manixu o de si oponni a su manixu cosa insoru, in prus a su deretu a sa portabbilidadi de is datus;

Reclamu: s'interessau tenit su deretu de proponni reclamu a su Garanti po s'Amparu de is Datus Personalis, cun sea in pratza Montecitorio, 121, - 00186 Roma _ t. (+39)06 696771 _ fax (+39)06 69677 3785 _ PEC protocollo@pec.gpdp.it _ Ufficio Relazioni con il Pubblico urp@gpdp.it .

Seddori, 25.02.2020

Su Dirigenti fadenti funtzionis
F.to Dr. Paolo Maggio

Acàpiu: modellu istàntzia de partitzipazioni